

貴定縣志稿

地 36.01203

41

214



寶坻縣志稿

貴定縣誌稿複制說明



貴定縣誌稿係民國八年續修貴州通志時，貴定縣採訪處第一期至第四期呈稿，各期呈報的具體時間不詳，敘事大都止於清光緒間，個別部門止於民國三年。

一九六三年我館據上海圖書館藏鈔本（以下簡稱上海本）刻印，其中不乏殘缺錯誤遺漏之處，加以我們初次進行複制工作，缺乏經驗，諸如在刻印和行頁的安排上或者校對上，都存在不少缺點，雖經一再校對，改正了一些錯誤，但書已定型，有些缺點仍未能糾正。今年秋，承中國科學院南京地理研究所借給藏本（以下簡稱南京本），我們又據之參校了一次，覺得南京本較上海本完整，但很多文字錯誤和脫漏的地方是相同的。今將校勘情況說明如下：

- 一、貴定縣地圖上海本有殘缺，貴定縣城圖上海本有說明而無圖，以上兩圖均係照南京本複制。

貴定縣誌稿

- 二、各期呈報目錄上海本只有第三期的，第一、二、四期係照南京本補入。

- 三、第十二頁後第十行至第十三頁第六行第二字止，上海本缺，現據南京本補入。

- 四、凡上海本和南京本均脫漏之字，在書中以□表明。
- 五、舉凡校改之字，列表附於書末，以供參考。

承上海圖書館和中國科學院南京地理研究所熱情支持，借給藏本，特此致謝。

貴州省圖書館

一九六四年十月

貴定縣誌稿總目錄

第一期呈稿

貴定縣地圖 附輿圖說明 建置沿革考

貴定各山

水道 群水附

城池 附縣城圖說明 公署公所說明

關梁

壇廟祠宇寺觀

第二期呈稿

貴定市集

村寨

倉儲

職官

學校書院

貴定縣誌稿

學堂

咸同兵事

南鄉苗亂紀事

胡公平苗紀畧

第三期呈稿

貴定營汛驛站

田賦

歷代選舉

團防保甲警察

物產

風俗氣候

第四期呈稿

貴定名宦

土司

將校仕籍

鄉賢武功 忠義孝友

善行

隱逸

流寓

詩鈔

藝文

賢孝

節烈

貴定縣誌稿一

續修通志貴定縣採訪處第一期呈稿目錄

貴定縣地圖

附輿圖說明

建置沿革考

境內各山 羣水附

城池

附縣城圖及說明

公署公所說明

關梁

壇廟祠宇寺觀

附修學宮立碑記

牛王廟劉公祠記

牛王靈佑功德碑序

重修節孝祠記

貴定縣誌稿

樊汪熊三公祠碑記

貴定建置沿革考

貴定界於貴陽都勻之間在戰國末實為且蘭國地華陽國志云莊躡沔沅水出且蘭以伐夜郎植牂牁繫船於是且蘭夜郎降夜郎屬貴陽程番播州各地且蘭即貴定平越之昆鄰都勻者嗣因秦奪楚黔中地莊躡無路得反留王滇池以且蘭為牂牁國分侯支黨其地最廣漢武建元六年置牂牁郡領縣十七且蘭毋斂屬焉且蘭名縣始此縣治在今平越附郭宋齊之季未置縣隋置賓化縣於太平伐司在今貴定縣西南九十里唐貞觀間移故賓化縣於今平越地置多樂縣於貴定小平伐司之都盧平在貴定南三十里多樂即都盧之轉音五代時多樂屬莊州莊州今定番峇新為多樂近側地宋時為蠻所據城而守之因號峇新城大萬谷落總管宋永高舉兵攻克今其子勝守之改曰新添城告捷於朝廷嘉之命永高為貴州經畧安撫使別號新添為邊蠻軍此新添因參新而得名之始元至元二十八年十一月新添邊蠻宋安

貴定縣誌稿

三

撫率洞蠻內附十二月立萬蠻軍民安撫司萬蠻即邊蠻之譌萬蠻治新添有今貴定龍里地領長官所二百三十三屬湖廣行省二十九年置必化州於賓化舊地賓化譌為必化明初廢洪武四年改新添萬蠻安撫司為新添長官司屬貴州衛二十二年置新添千戶所於新添長官司亦屬貴州衛二十三年二月改新添千戶所為衛隸貴州都司二十八年平伐把平大平伐小平伐四長官咸改屬龍里衛二十九年四月升貴州龍里新添三衛皆為軍民指揮司小平伐把平二長官司改屬新添衛三十年置丹平丹行二長官司屬新添旋省隆慶二年六月移程番府於貴州布政司城三年三月改為貴陽府萬曆三十六年析新貴縣之故平伐司及定番州地置貴定縣屬貴陽府貴定之名昉此縣城建於舊治在新縣南四十五里以其接壤都勻易於捍衛苗疆兼為平伐司屬地役民較便通京驛站仍名且蘭設衛城北關外之館驛平衛指揮各官仍駐新添以扼湘桂衝要清兵入關順治十五年四

月貴陽隸版圖新添衛未改康熙二十六年罷新添衛併其地於
貴定領新添平伐大平伐小平伐四長官司移貴定縣於衛所建
築石城堅峻雄濶頗占形勝即今貴定縣城是舊治城仍存乃都
勻古州必經之地雍正乾隆間貴州巡撫張廣泗迭次征服古州
生苗皆由貴陽取道舊縣軍事較為便利云

採通鑑輯覽地理
志及貴陽府志

貴定各山

加山脈羣山附 謹按山之有關係有名勝者詳

貴定最高之山曰雲霧山在貴定西鄉百里大平伐司境山脈來自貴陽青巖其上有九池曰九龍池山高聳惟夏月乃露頂餘月俱在雲霧中故名朵蓬山在貴定南八十里其脈來自雲霧山高廣與之等上可遠眺數百里南眺都勻之龍山西眺廣順之白雲山西北眺貴陽之圓雲關北眺龍里之雲台山上有天池水分三派流出東經都勻之谷濠達陽安江以入湖南水經沅水谷沅水出焉東流注於洞度即指水之東注者貴陽府志載之甚詳其西由甕水達於甕城河匯烏江以入四川之涪陵江其南由翁樹河達於古州以入廣西水既分注山亦聳峙奔騰以赴各省蓋南幹至此駐脈氣勢特雄偉云
黃龍山距城十五里為貴定東北屏障脈由朵蓬山迤東至於谷忙關特起高峯綿亘十餘里東出由平越以達湘西西北由新添司以訖洛白河之紅巖轉峙而為陽寶山

貴定縣誌稿

陽寶山為貴定北隅鎮山筆岫極天列如畫障由縣城至山約十四五里陟巔一覽群山悉如蟻垤有登東小魯之概前山名蓮花峰有關帝宮真武廟玉皇閣諸梵宇同治間毀於賊光緒中山僧佛樓上鐘而後名飛鳳山有大佛殿觀音廟廟前有龍泉水甚甘冽山後有神仙洞相傳為山僧白雲藏修處猶存棋枰丹竈遺蹟山在前代不甚知名明萬厯初僧白雲開榛建刹靈景畢臻騷人墨客至其地者流連忘返邑人明左春坊庶子邱公未實其弟遂東巡撫邱公未嘉讀書山寺愛其佳勝春坊公題有千巖萬壑四大字每字徑三尺勒立石上屢經兵燹今僅存萬壑二字好古者時往摩挲詩二律略具山之勝概載貴州通志後有續題者別索

呈擇

文筆山

在城南六里秀若削筆

天馬山

在城南十里又名三台山

松牌山

在城南十五里列若翠屏

萬卷書山 一名輪子巖在城南十八里層巖疊架若寶笈堆黃

金星山 在城一里端正圓秀迥異諸峰

銀盤山 一名掛榜山與金星山相屬形圓色白

梅花峯 在城西五里形如五出梅花

西華山 在城西五里峯巒相屬山麓接陽靈山山腹有西

華洞巖石玲瓏下臨深澗明崇禎初北京和尚藏修

其中洞始知名

藥苗山 在東北十里有瀑懸巖飛下宛如玉虹名曰飛泉

象鼻山 在城北二里巖如象鼻

天梯山 一名蜈蚣山在城東三里層累直上高阜圓潤

東山 在城東十五里為東西通衢城東要隘

崆峒山 在城東十五里下有洞俗名後洞

鐘山 在城西三十里崇納司山有伏虎洞泉從此出

白馬山 在城南四十里都廬寨之側山高而長廣上有池深

貴定縣誌稿

不可測相傳有馬見於其上 一黃冠者祀之馬化為

連珠山 在城南六十里上有坪可容萬人中起峯十二一水

繞馬在據地開右抱鳳門

谷峽山 在城南九十里火平伐司境連峯峭壁一徑中通為

平伐司分界處

水口山 在平伐司境水自峭壁瀉下直貫河中如銀河

兜刀山 在城西南九十里平伐司境狀若列戟宋末有保節

者立石此山以拒蒙者今故址猶存

龍山 在縣城西南九十里平伐司境山勢雄峻城河繞

其麓山麓未知名咸豐苗亂平伐司建長練忠義團

保境立營於其上名曰龍山營據拒一隅固貴陽至

廣西之路與青巖相犄角拱衛者城同治癸亥冬貴

定城失陷知縣移駐營內五年難民亦得所依附稱

險要馬

九龍山 在縣南百里平伐場後平中之高一山凸出四面不受敵上有龍泉可供數千戶咸豐系年鄉人練水為團駐紮其上與忠義團聯絡一氣民獲耕種兼避獨山之路以遠廣西軍報賴以無阻今營壘猶存有事可以入守

印嶺山

在舊縣城南五里上有廟今毀

將軍山

在城西南五十里羅雍墳俗名羅雍坡同治五年趙剛節公駐軍此山圍攻舊縣易今名山上俯瞰舊縣黃土坎各壘易於指揮後以核運不繼旋軍援定番安順今故壘猶存

老人峯

在城東七里一石屹立儼似人形

留雲嶺

在舊縣西南十餘里

蓮花屯

在平伐司司有屯屯此其大者

貴定縣誌稿

七

流水巖

即谷定山在城東八里大道旁瀑布懸流冬夏不涸

姊妹巖

在城東十餘里小河之溪相傳有二女為賊所迫遂化為石

海濤巖

城東四十里俗名響水巖聲如濤日夜不絕巖端有仙人足跡長尺餘

將軍巖

在城北二十五里有石將軍石入石鼓之形

飛雪巖

在城西北三十里舊名跳籠知縣陳以明更今名又名飛雪溪河流下垂若白練土人於半巖置籠取魚焉

香奩巖

在城六十里上有香草

石龍

在城南四里高視河之下流澗旁有石形如雙龍鱗

鳳凰石

角皆具每雷雨勢若生動

距城十八里古大道經其下形如鳳翥與年珠洞對峙

倒影石

在大平伐司有石壁如女鏡遠照數里知縣陳以明刻石名其山曰天目山

仙人掌

在縣西四十里新安之側山洞中有泉冬溫夏涼

牟珠洞

城西十八里大道旁原名母豬洞明太史邱亦嘗易名憑虛清初鎮遠知府陳受運復易名牟珠外有廟

洞內石笋一林高二丈餘玲瓏奇巧明季吳三桂經

此欲鎔斷輦至滇鎔入數寸即有雷震洞頂開一竅

若天明乃不復鎔今鎔痕尚存洞中有石佛石龍石

獅象千坎田萬坎田諸異光緒中上海姚文棟有記

另抄

洞左有雷鳴洞洞麓有飛瀑懸若尺練光緒乙未貴定知縣朱廷勳磨巖刻聽瀑窩三字於雷鳴洞

之側今猶存

城西西南五里相傳洞中有物如馬身有鱗甲出與馬

貴定縣誌稿

海馬洞

文即產名駒如貴陽養龍司之柳坑云

仙人洞

在城北三十里山後排臘尾掌洞高敞可容千人浴

白河繞其下咸豐間白蓮教黨黃五和尚率教匪入

據丁文誠公率平遠兵攻克洞始知名

三門洞

在城北十里洞中寬敞東南西南三門儼若城郭

燕子洞

城北二十五里秋時燕子群集其中內有雙龍洞

白衣洞

在城西四十里洞門高數十丈徑極曲折穿巖而入

凡三層土人藍桂修葺并建菴其中

神仙洞

在城南四十里仙山堡中有生成石橋有泉自石罅流入池中

烏龍洞

在城南百里烏龍潭上潭水出其中深窈難窮中分為二澄潭急湍外流靈物之所宅也

天靈洞

在平伐司境久名垂露洞上建有樓名曰洞天樓

桂香洞

在城南九十里外有生成石梁

牛鼻洞

在城南百里大平伐司境

牟珠洞記

姚文棟

字子梁上海
舉人光緒間

以道屬前使日本差後迂道滇南由騰越
進在滇南辦蒙始釐局未及年由滇復

癸巳十月十九日予自滇還江南程君蔚堂走送為予道貴定牟珠洞之奇予心識之十一月十四日過貴陽黔之首郡也十六日過龍里縣夜宿龍城橋月色甚明十七日凌晨至牟珠洞距龍城橋五里許在大道旁其前有寺蔽之凡兩層厯階而升至佛殿後始見洞門越堦詩云一龕藏古洞信矣洞深一里餘聞泉不能見日月海者携火炬以入過石磴則盤旋而登遇石竇則偃僂磬折而過其中靈跡甚多不可殫述有所謂千坎田萬坎田者石根盤盤成阡陌之形宛然區田也有所謂洞天屋者石屋及石柱間細點如繁星能放光明也有所謂珍珠山者纍纍若貫珠也有所謂七層寶塔千層寶塔者其下或有舍利子也洞盡處得一澗探之深不可測是為牟珠江江旁有路又有石梯云可通上洞窄狹不能容足跡者至此多畏險不敢進江中有石船一上有八仙像謂之

貴定縣誌補

二

九

八仙過江也江上有台和二仙含笑相向有十八羅漢又有二十四天尊各有其像如畫象之無一複筆也洞中又有觀音像拜其前者童子也努力執鞭如欲驅人出者靈宮像也持幡以迎如欲導人入者接引佛也皆不假人力天然而成其成動物形者龍二猿山皆在江邊猿謂之首江猿龍亦獲江者也象一垂鼻如欲捲水龜一如欲行赴江也江中金魚二見者不知其為石魚也有獅二在洞門內守洞者也植物則有笋與冬瓜之屬若在園圃間也其他大者有屏有床小者有鐘有鼓床可坐甯屏可遮風鐘鼓叩之有聲也有傘流蘇四垂有鏡高照兩兩相對也凡百器血跡之無不具昔人疑為神仙所嘗居理或然歟洞門內有石柱中立若賴以撐拄全局者四周雕鑿極神工鬼斧之巧是夕宿貴定縣段君甲樓告予曰吳三王漢時嘗欲取此柱移之滇已命工鋸之因雷擊而止今石柱前洞頂露處即雷所開也噫亦奇矣是洞初不知名明邱太史木實偕其弟禾嘉搜奇得之名曰憑虛至國朝陳

太守受運易名年珠云

貴定縣誌稿

十

貴定水道 羣水附

貴定之水以甕城河為幹流郡水皆匯而下注於清水江以入烏江今先詳幹流原委其支流何處發源何處匯納散見於所經流域其不匯於甕城河者另載篇末以備稽考

甕城河出龍里縣南石頭砦之側山洞河自側山北流五里至劉廣橋迎花椒寨左納擺主水又折而東流迎甲擺洞下相寨至大堤羊場又東至喬衝而北折入於貴定境至平寨工固又北至谷新里而伏流行地中里許復出於魚洞蓄為澄潭導流北瀉出冗山橋下又北逕平戎司東又至舊司小地方右納剛利水

剛利水出貴定雲霧山西北流至犀頭巖水紋寨水注之水出水紋寨下注於剛利以入甕城

甕城水又北有烏龍潭又北逕空巖又北逕前所右納官里水官里水出於朵蓬山山在貴定舊縣東三十五里極高廣上有

貴定縣誌稿

天池池水三分東為沅水東南為浪水西北出者為官里水官里水在朵蓬山麓名甕水甕水西北流合牛了水水出牛了山下注官里而西注於甕城

甕城又北逕千軍堡又北至桐蕩右納小龍場水黔人謂墟為場市集之所也小龍場在貴定舊縣南五里水自場西注於甕城

又北逕舊縣城南有定渡渡北為官塘舊縣城北昔有渡無橋今有石橋都與路改由橋上自塘北流七里至富樂五道水自東來注之

水出泥河泥河之源出自老馬廠以下注於五道水甕城水又北至蛇場橋樂雍水自西來東注之

水出於龍山導流東注入於甕城甕城又北至甲北仙山水注之

水出平山至仙山堡

又北至新城狗場水注之新城為巡撫張廣泗所築小石城俗名養馬新城

水出龍里右田衝東入貴定界經狗場塘側得封閣下以入甕城

甕城又北流小平伐水注之

水有三源曰萬年壘曰音寨曰大坡寨控流成溪西注甕城又北逕竹林堡又逕麥董出甕城橋下橋在貴定縣西二十里橋側有甕城塘為滇黔驛道元新添酋蠻安撫司有甕城都梁長官司明新添長官司西南有甕城土巡檢均駐此甕城又北至觀音塘牟珠洞水注之

水出乾溪一名乾溪水水至牟珠洞後伏流深暗不可測流出牟珠洞前瀉為飛瀑

又北至雙江口新安水注之

新安水一名簸箕河源出龍里南三十五里之麻若場側北流逕梨花冲余下堡至附城堡有原溪自南來右注之原溪出苦

貴定縣誌稿

李冲逕阿留老寨西水橋右納炭冲水水出龍架山南逕李家莊水東苗至西水橋北注原溪原溪又注於新安水新安水又東流二里左納老羅水水出龍里城西之老羅堡東流逕下橋又東流至播水橋側右納東門水水出龍架山北流逕珠梁填至龍里縣城東門橋右納東門寨水水出城南二里洞中至東門橋合東門水逕龍里城北門外水堤又歷石頭寨望城坡至播水橋北注新安水新安水又東至烏卡堡逕大馬場河邊寨會於雙江口以入甕城

甕城又北至牛角塘穿洞水注之

水出龍里三江口東注甕城

又北至鴨種塘花甲水注之

水出龍里小谷窠入貴定界以注於甕城

又北歷龍潭堡及龍塘共十里至洛北元有昔不梁駱杯密納等